

Cracoviensis Indios. Univ. Jagell.  
Promotiones Ordinis Philosoph.

1698 30 Aprilis

Pocaya 3070.

Tomaszewski Alberti. Annulus designati honoris  
XXIV gemmis ordine alphabetico intertextus et  
XXIV V.D. Magistrum in artibus et in Philosophia  
doctoratus licentiativ - dedicatus.



3523


161.komb.

III.

Mag. St. Dr.

P







43  
ANNULUS

DESPONSATI HONORIS,

XXIV. GEMMIS ORDINE ALPHABETICO  
INTERTEXTUS;

&

XXIV. VV. DD. Magisterij in Artibus,  
& in Philosophia Doctoratûs  
LICENTIATIS;

D U M

In Alma Vniversitate Cracoviensi,  
Regni Poloniæ Generali Athenæo,

P E R

*Clarissimum & Admodum Reverendum Dominum,*

M. MARTINUM  
OSLINSKI,

Philosophiæ Doctorem, ejusdemq; in Colle-  
gio Majori Regium & Tylicianum Professorem,  
ad Sanctam ANNAM Cracov: CANONICUM:

In Numerofo Illustrium & Nobilissimorum Hospitum  
conspectu, & Amplissimi Senatûs Academici præsentia,

Artium Liberalium Magistri,

& Philosophiæ DOCTORES,

RITU SOLENNI RENUNTIARENTUR,

A B

ALBERTO TOMASZEWSKI,

*Artium Magisterij & Philosophiæ Doctoratûs Licentiato,*

Publicæ gratulationis ergò,

DEDICATUS.

Anno Desponsati in Carne Verbi 1698. Pridie Calend. Maij.

CRACOVIA, TYPIS VNIVERSITATIS.







ILLVSTRISSIMO,  
&  
EXCELLENTISSIMO DOMINO,  
D. STANISLAO  
COMITI in Lefzno  
LESZCZYNSKI,  
Pocillatori Regni Poloniæ,  
ODALANOVIENSI GUBERNATORI, &c.  
Domino & Mecænati Amplissimo.

**R**emittas laboris mei, in Annulum laureati honoris congestas, profunda magis venerationis candore, quam gemmantibus literis ornatas, Tuo Gentilitio prosterne Capiti, ILLVSTRISSE & EXCELLENTISSE DOMINE. Decuit e- quidem Tuae meritorum amplitudini, hoc literarij officij mei studio, me fieri vectigalem, & nouellas Academicarum Laurearum, sub Tuis auspicijs virorem assumere; cuius augusta Prosapia, Palladi lagelonica securum saepenumero concessit Patrocinium, meq; ipsum singulari gratiarum munimine eò usq; seruauit. Iure, quidem natura, ad Caput membra confugiunt, ut corporis conformem symmetriam manifestent; & coronas, si qua prisca, honoris loco fuere atati, Capita sibi vendicant; ut laudabilium facinorum opera pulchro, probatoq; omnium sensu, spectaculo asistentur. Mihi tamen ius obligationis obvenit, ut cum ad Gentilitium Tuum Bisontis Caput fugio; eam, quam totus Lechicus cultu prosequitur Orbis, virtutum Tuarum meritorumq; excellentiam, hanc paginâ recognoscam. Nimirum spectata nuper tot rebus in arduis, & supra fidem con-

A  
stanter



stanter ab omnibus aestimata prudentia Tua, cui integer Electoralis  
campus, ius suum omne, ac primam potestatis aream, principali lege  
concredere voluit, grande virtutum Capitolium aperit, ad quod, o-  
mnium scientiarum exacta cognitio comes, simul ac immensa Ante-  
cessorum Tuorum in Rempublicam merita, uno intuitu ad stuporem  
manifestantur. Hinc raro exēplo, in hac atate, & rerum statuenda-  
rum prudens consilium; illinc ingens amor Civium Patriæ, & mens  
tot heroicis virtutibus in vastam congesta speciem circumstant:  
hinc suada civilis, legum patriarum cognitio, sapientia, amor boni  
publici, gravitas morum, quandam maiestatem efformant; illinc  
admiratio & e' tanti Sanguinis Nexu congesta, quas in alios natura spar-  
gere solet, animi & fortunæ dotes magnificentiam concedunt; ut  
nullus omnino sensus populi sit, qui Te summis Patriæ curis, Supe-  
rū favore destinatum, & magno aliquando bono, diu provisum  
non fateatur, ipso Tuæ augustæ Prosapia, ex qua Respublica solati-  
um, & incrementum gloria assumpserat, comprobante argumento.  
Placet ILLVSTRISIME & EXCELLENTISIME DOMINE,  
in Tuorum panegyrii meritorum, Antecessorum Tuorum summè  
splendida, in memorem Orbis producere faciem lumina, quæ velut  
inter ignes Luna minores, Patriam sacris, heroicisq; virtutibus se-  
renabant; ut non iam honores, sed Capita aestimarentur, quibus de-  
cor e' meritis & amplitudine virtutum responderet. Praibat pul-  
chrum Avita Tua Gentis fidus BOSVTA Gnesnensis olim Archi-  
episcopus, pulchro documento meritorum, quali ad Insulas Antisti-  
tes vocarentur, ex felicitate honorum; ut penè nulla Cathedra in Le-  
chio Orbe sit, quæ non LESCINIOS ambiuerit. Habuit sibi succe-  
daneos Archiepiscopos, Gnesna, Primitialis sedes, ANDREAM &  
VENCESLAVM, LESCINIOS, optimo auxilio honoris, quàm illa  
vellet Pontificum condere seriem. Gloriatur VLADISLAVIENSIS  
Insula, FRIDERICO; RAPHAELE, Plocensis, & Premisliensis  
una simul gaudet. Ex intervallo deinde Camenecensis, Culmensis,  
Enneensis Insula Gnesnensi Prodroma, ANDREÆ LESZCZYNSKI  
eminentiæ prabuere splendorem: Varmiensis Tiara hucusq; celebrat  
VENCESLAVM, VLADISLAI IV. Paranympum: KIOVI-  
ENSIS IOANNEM laudat: Luceoriensis NICOLAVM in Pon-  
tificum exemplar insigni exhibet praconio: ipsum tandem sacrarum  
Purpurarum agmen claudit BOGVSLAVS, COMES in LESZNO  
LE;



**LESZCZYNSKI** Episcopus Luceoriensis, Abbas Cervinensis, integritate vitæ & amplitudine meritorum toti quâ latet patet Orbi celebratissimus. Ante Heroicas Senatoriasvè Curules, occurrit primò **PRÆDISLAVS** Comes à **LESZNO** **LESZCZYNSKI** Palatinus Calisiensis, Regium munus absente **LVDOVICO** Rege agens: sequeuntur deinde serie quâdam nunquam moritura gloriæ, **ANDREAS** Comes à **LESZNO** **LESZCZYNSKI**, Palatinus Brestensis, **RAPHAEL** pariter Palatinus Brestensis; **VENCESLAVS** Calisiensis, **RAPHAEL** Betsensis, **ANDREAS** Derptatensis, **VENCESLAVS** Podlachia, **IOANNES** Lanciciensis, Palatini, summis Patriæ negotijs & curis ferendis calitùs destinati Senatores. Prodeunt longo ordine alterius Subsellij Nomina, **RAPHAEL** Castellanus Poseniensis, **DOBIESLAVS** Castellanus Premisliensis, **IOANNES** Castellanus Sremensis, **IOANNES** Castellanus Naclensis, Magnæ **ILLVSTRISSIMÆ** **DOMVS** **LESCINIÆ** Bases, & summa, omni auro immortalitatis caractere, in cordibus Posterorum sculpenda columnina. Antecedunt quoq; innumera pervetusta huius Gentis Numina, **VENCESLAVS** Comes à **LESZNO** Supremus Regni Cancellarius, **ANDREAS** pariter Regni Cancellarius, **PRÆDISLAVS** Maioris Polonia Generalis, **RAPHAEL** I, **RAPHAEL** II, **RAPHAEL** III, & **VENCESLAVS** Maioris Polonia Generales meritissimi, **RAPHAEL** Supremus Thesaurarius Regni ac Procancellarius; **IOANNES** Cancellarius Regni, Generalis Maioris Polonia, ac tandem Palatinus Cracoviensis; **RAPHAEL** Regni Mareschalcus. Adstant & reliqua **LESCINIÆ** **DOMVS** decora, **RAPHAEL** Succamerarius Calisiensis; **VLADISLAVS** Succamerarius Poseniensis, **VLADISLAVS** Succamerarius Brestensis, **ANDREAS** Dubinensis, **BOGVSLAVS** Radzieiowiensis, **IOANNES** Varcensis, **IOANNES** II. Radzieiowiensis, **IOANNES** III. Radzieiowiensis, **ANDREAS** Naclensis, Gubernatores, & Sexcenta alia summorum meritorum, ingentia Nomina, quibus non hæc laudis pagina, sed immortales fasti in perenne assurgunt monumentum. Assurgo tandem & hic in profunde venerationis cultum, Magno Nomini **ILLVSTRISSIMI & EXCELLENTISSIMI DOMINI D. RAPHAELIS** à **LESZNO** **LESZCZYNSKI** Palatini Lanciciensis, Maioris Polonia Generalis, Parentis Tui, supra id omne, quod de Eo, dici debet maximi; stupenda eius factorum exempla, quis vspiam iusta comprehendet



Panegyri, cuius virtutem animi, Patria, pulchris ampliata facinoribus; vicina Provincia, amplissimis decorata meritis stupent miranturq;. Huc accedit pariter Fulmen, & Terror Orientis, veneranda militia nostra Maestas ILLVSTRISSIMVS & EXCELLENTISSIMVS DOMINVS D. STANISLAVS IABLONOWSKI, Castellanus Cracoviensis, Supremus Exercituū DVX &c. &c. Avus Tuus, & IOANNES IABLONOWSKI Palatinus Volyhnia &c. ALEXANDER Vexillifer Regni &c. STANISLAVS Gubernator Boguslaviensis &c. Avunculi Tui, totaq; coniuncta IABLONOVIORVM Augusta Domus. OPALENIORVM pariter felicissima & aeterna Navis adest, ut penè Vniuersam Lechiam in Tui Nominis honorem habeas vectigalem. Quo circa tot & tantis praestantissimis meritis longa Heroum serie, & virtute Maiorum partis, ore Patria condignam panegyrim referre, non opis est nostra: Vnicum mihi superest studium, ut tam gloriosis virtutibus Tuis, Avita succedant honorum fastigia, ut Patria amplissimis meritis exornata, Tibi sit in decus immortale, & Pallas Academica in perennem gratiarum protectionisq; recognitionem, quod profundissimo exopto voto.

TUÆ ILLUSTRISSIMÆ,  
& Excellentissimæ Dominationis,

Devotissimus & humillimus Clientis,  
ALBERTUS TOMASZEWSKI.



# B. JOANNI CANTIO,

S. Theologiæ Doctori, & Professori,  
Regni Poloniæ, & Almæ Vniuersitatis Crac:  
TUTELARI, & PATRONO.

*Corona aurea in triumphis olim præferri solita pretiosissimis  
gemmis intertexta.*

CUM LEMMATE:

Æterno Lumine lucet.



Emmifer quidquid niveis Oaxis,  
Fluctibus profert; pretijq; Ganges,  
Quidquid aurato radians metallo,  
Littore condit.

Id Tuo totum minus est honore,  
Grande Lechæi Columnen Trionis,  
Inclytum, CANTI, decus & togatæ  
Gloria turbæ.

Tota splendoris facies, & omne  
Lucis augustæ jubar eruditum  
Cedit in cultum, Tibi summa condunt  
Astra triumphum.

Candor elucet pretiosus in Te,  
Atq; virtutum sociatus ordo  
Aureo fulget radiatq; claræ  
Lumine vitæ.

Cor Deo gratum quoties dicares,  
Ignea flammâ quoties Cathedris  
Sacra doctrinæ populi ad salutem,  
Munera ferres:

Aureo dono toties micabas,  
Atq; palmaris Tua charitatis  
Virtus, assumpsit decus & perennem  
Laudis honorem.

B

Ergo



Ergo dum palmas capimus virentes,  
Atq; primævum pretium laboris,  
Sub Tuo Sacro Pater alme Scuto  
Præsidioque :

Protegas Laurus ut in auspicatam  
Pullulent messem; tenebrasq; si quæ  
Mentium cedent, radio sacrato, &  
Lumine pelle.

Dum Tuis nullos meritis honores,  
Ferre possimus; Tibi cedat unde,  
Omnibus gemmis potior beatæ  
Gemma Coronæ.

Hanc Tuis proni ferimus per aras,  
Supplici voto ut Iagelonis Aedes,  
Atq; Musarum foveas perenni,  
Lumine Laurus.

*Perillustri & Reverendissimo Domino,*

D. M. SEBASTIANO  
PISKORSKI,

J.V. Doctori & Professori, Ecclesiarum, Cathedra-  
lis Cracovien: Canonico, Collegiatarum, SS. Omnium Crac:  
Archidiacono, & Vielunen: Canonico, Scholarum Novodvor-  
scianarum PROVISORI, Almæ Universitatis Cracoviensis  
PROCANCELLARIO MERITISSIMO.

*Gazophylacium gemmarum, è tertio olim Pompej triumpho  
Romæ summo honore habitum.*

CUM INSCRIPTIONE:

Omnia summa.



Vccedis Divæ sancito jure Coronæ,  
Aoniæ Rector Turbæ, catulq; togati  
Arbiter, ingenio superans conamina laudum,  
Major quam dici, vel scribi carmine possis.  
Sive etenim fando, scandit Tua Svada Cathedras,  
Aut Sacris redimita mitris, cælestibus æquat  
Officiis hominum mentes, animosq; feroces,  
Civili eloquio flectit: volumine vincit,  
Quæ vel prisca ætas grandi molimine rerum  
Protulit; aut nova concordie gravitate locuta est.

Et Ta-



Et Tācitum, Plautum, Varronem Quintilianum,  
 Atq; catenatos, veterum comprēdis honores.  
 Quidquid Legifero producit Sparta Licurgo,  
 Attica firmatum celebrat quod jure Solonis,  
 Quidquid laudauit Scythicis Anacharsis in aruis  
 Et quod sudârunt Latialibus indere libris  
 Insignes animæ; totum hoc complecteris arte.  
 In Te Diua Themis veri iustiq; balances  
 Spectandas posuit, summi fastigia honoris  
 Contulit arbitrioq; Tuo, quo Nomina firmes  
 Multorum, statuasq; viros, & jura Cathedris.  
 Iam Patriæ leges, Regniq; statuta Poloni,  
 Norma; justitiæ externæ, sacrumq; tribunal,  
 Et Civile forum, Te consultante vigorem  
 Et priscos fasces & lumina maxima sumunt.  
 Parnassum Cracium, Divi Iagelonis & aulam  
 Ordine firmâsti celebri. Tu Nobile Sceptri  
 Rectorale decus toties in cardine rerum  
 Magnanimo nisu summa virtute tulisti;  
 Omnibus ad placitum factus; Magnoq; Ioanni  
 Ex animo felix; Aquilis Radiuulani  
 In speciem datus, vt primæui in lumina solis,  
 Te Chirone acuant animi mentisq; pupillas:  
 Accedit pietas, probitas, ac integra vitæ  
 Norma, ac exemplar morum, gratissimâ Divis  
 Mens intacta, labor summus, constantia demum,  
 Et vigiles curæ, studijs nunquam obruta virtus,  
 Ætates hyemesq; graues sufferre parata.  
 Ætati minimè parcis, nec pondere fessus  
 Tot rerum; fabricas ædes & pergama Stoæ  
 Nullo subsidio fultus; monumenta librorum  
 Hoc studio condis; quantum prudentia rerum,  
 Continuvs valeatq; labor, tali ordine monstras,  
 Factus, venturi cunctis exemplar in æui.  
 Ferre igitur tantis meritis condigna trophæa  
 Non opis est nostræ merces celeberrima laudis,  
 Ipse Tuæ cū sis, superans mellita canendi  
 Dogmata; Pompeij gazæ gemmæq; sacratæ,  
 Romuleæ gentis Statori, præmia demum,  
 Quêis Capitolini quondam nitucre triumphi,  
 In decus æternum Tibi sint & laudis honorem.  
 His Tu Nestoreos supera fausto ordine tractus,  
 Atq; Tuis meritis fias pretiosa coronis.



CLARISSIMIS, EXCELLENTISSIMIS,  
ET ADMODUM REVERENDIS DOMINIS  
DD. EXAMINATORIBVS,

*Clarissimo & Admodum Reverendo Domino,*  
D. M. GASPARO BENEDICTO  
KAWALCZEWSKI,

Philosophiæ Doctore, Collegæ Maiori, Regio Professore, S. Annæ  
& SS. Omnium Canonico, ac interea Philosophicæ Facultatis,  
D E C A N O.

*Clarissimo & Admodum Reverendo Domino,*  
D. M. MARTINO OSLINSKI,  
Philosophiæ Doctore, Collegæ Maiori, Regio & Tyliciano  
Professore, S. Annæ Canonico.

*Clarissimo & Admodum Reverendo Domino,*  
M. ANDREÆ BVCHOWSKI,  
Philosophiæ Doctore, Collegæ Minori, Contubernij Iagel: Seniori

*In argumentum debitæ gratitudinis & obseruantie, cedunt Mar-  
garithica sacra, à Dictatore Iulio, instituta, in honorem Mar-  
garitharum, quas ille Deorum oculos appellauit.*

C V M L E M M A T E.

*Sic honorantur, quos æquus cum Phæbo Iupiter amauit,*



*Astaliū pete penna vadum, sacriq; fluenti  
Largifluos hauri latices, & diuitis aluē  
Flumina Parnassi circum spumantia colles  
Obsequijs undare nouis in carmina discant.*

*Tuq; o Aonijs Frases supreme Palatij  
Agmen ouat cū Cecropium, cui plaudit amarus,  
Gestibus exultans numerofo numine Pindus  
Da faciles in Verba modos, tenuisq; Camana  
Profer inernatum, laudum per summa Cothurnum.  
Tu mihi Philosophi semper memorande Senatus,  
Princeps Sydenio multum decoratus amictu  
Diceris & summas reple in carmine parces  
Docta KAWALCZEWSKI cumulat, cui munera Pallas.  
Socratico cum rixa calet commota tumultu  
Multaq; doctiloqui feruente in prætia catus,  
Quantiū ades quatiūq; tuis spectandus in armis  
Tela tuo Vibras nimis exornata labore!  
Protinus abstrusi solvuntur vincula veri,  
Miraturq; sui patuisse arcana profundi*

*Ipse*



Ipse Sophus, gaudetq; suos audire labores.  
 Jam decus eloquij labentiaq; impete multo  
 Flumina certatim teretes undantia gemmas  
 Quid memorem! Sacris nimis hac vulgata cathedris  
 Dulcesonant, animos iam iam inuasura stupentes:  
 Sed tenues Musa numeri, sorbentur ab ipsa  
 Luce triumphali laudum, tamen amplius inde  
 Surget honos numeris quod non laudabere dignis.  
 At tibi qui laudum tituli, quæ copia fandi  
 OSLINSKI Cracia decus immortale Camæna  
 Assurget pronâ dotum in præconia Venâ  
 Cum tua Philosophi perplexa negotia Regni  
 Mens agitat, cum Veridici mouet oris Aquinas  
 Haud faciles in Verba nodos, Tu cuncta citato  
 Ingenio penetras, patet id, quod crassa supinâ  
 Mentibus in multis tegit ignorantia nube.  
 In Te Tylicia decus Augustale Palestra  
 Munere procumbit stabili, fandiq; facultas  
 Tullia, dulciloquo residet cumulata lepore.  
 Seu tua præcelso Regum ad fastigia nisu  
 Penna volat, seu Præsuleis innexa Tiaris  
 Munera describit laudum, trabeasq; rubentes;  
 Secula victuris vehit in præconia fastus,  
 Diues abundantem se monstrat Vena paratu,  
 Ipseq; dum laudas alios laudabere semper  
 Famaq; longinquo curret per secula tractu.  
 Nec Te quem nuius Virtus portata quadrigis  
 Ipsa vehit Lechicos circum spatiosa triones  
 BVCHOWSKI Indocili linquet mea Musa Cothurno.  
 Te Rhodanus Tybrisq; suo miratus ab alto,  
 Motoq; Europa permixtus sanguine Rhenus  
 Vidit, ut egregijs, alienti sideris hospes,  
 Dotibus, excelsos semper sequereris honores.  
 Sidera quam varios cali, sinuentur in orbes  
 Clara Poli quo monstra meent, Vetus incola cali  
 Saturnus qua parte manet, Cyllenius & qua,  
 Atq; Gygantes clarus Iouis ipse triumphus  
 Noscis, & astriferum felix comprehendis Olympum.  
 Hinc dum Regifici pandus pollentia Scuti  
 Prodigia & calamo, circumuallatus ab Umbra  
 Magnanimos sequeris Manes, Regiq; Secundo  
 Maxima Sarmatici celebras primordia Sceptri;  
 Ibi ad immensos fama haud morientis honores  
 Pennaq; Letheos superabit fortius amnes.  
 Ibius & memores semper recolendus in annos  
 Ternio, Vos seris narrabunt secula fastus.  
 Nunc faustus implete dies successibus almos  
 Stamina felici vitalia volute penso.



# ANNULUS DESPONSATI HONORIS.

I. V. & A. R. D. MATHIÆ NALEPINSKI,

Canon: Regul: SS. Sepulchri Domini Hierosolymitani, Con: Miech: Professo:

*Alectorias gemma,  
toniensis usus, in  
ctus habebatur; cui  
duplicata, Insigne  
Gentilitium*

CUM

Ex utroq;



*quâ Milo olim Cro-  
certaminibus inui-  
in sculpta CRUX  
auita Religionis &  
Stemma.*

LEMMA TE:

decus.

Quæ pietas servat summi monumenta trophæi;  
Hæc notat armato, CRUX sociata PEDE.  
Additur his virtus, pietas, Sapientia clara,  
Et pulchris meritis utraq; suada nitet.  
Quâ NALEPINSKI! sublimia dogmata soluis,  
Exemplo firmans optima dona animi:  
His toties ornas Sapientum docta Lycæa,  
His pretium laudis, robur & omne capis.  
Ergo Palladijs meritis dum condis honores,  
Te locet in summo CRUX duplicata gradu.

III. V. D. JOANNI LASKOWSKI,

*Beryllus gemma,  
altissimis monti-  
tum Stemma in*

CUM

Felicibus



*adamanti similis, in  
bus nascitur, cui au-  
sculptum KORAB.*

INSCRIPTIONE:

ventis.

*Æ Quæreos fluctus scindis felicior Argo,  
Et diros nimbos per mare tuta Rates*

Despi-



*Despicit: Aonijs velis felicior aura,  
Dum Tibi LASKOWSKI dum Zephyriq; fauent.  
Æsonidem superas Colchorum Regna ferentem,  
Ingenio celeri vellera docta vehens.  
Promptus te mentis vigor & facundia lingua,  
Commendat probitas, & sociatus honos:  
Hoc per fallaces Scyllas, timidasq; charybdes,  
Securus Stoa ad littora peruenies.*

#### IV. V. D. ALBERTO WASNIEWICZ Posnan.

*Chrysolithus gemma  
tres ROSÆ*

*coloris aurei cui  
insculpta.*

CUM

LEMMATE;

hoc LUMINE

vernant.



**H**esperidum colles fragrent pulcherrimo odore,  
Perpetuis vernent floribus atq; suis.  
Flos superat roseus cunctos cultissimus herbis,  
Quem tua WASNIEWICZ florida ~~gemma~~ habet.  
Scilicet insigni clares Atlantis honore,  
Sidereum mentis munere lumen habens:  
Te celebrat dulci elogio divina Mathesis,  
Suadaq; civilis vernat in ore Tuo.  
Ergo virescenti, vireas cum Pallade, Lauro,  
Te doctæ frondes, Te decorentq; ROSÆ.

#### V. V. D. MATHÆO LEWKOWICZ Posnan. Seniori Scholæ Neosandecensis.

*Draconites gemma,  
è cerebro Draconis  
pta tria*

*coloris translucidi  
nata in qua scul-  
LILIA.*

CVM

LEMMATE;

His Virtus

clarior exstat.



**F**rustra laufferis adolent floralia baccis,  
Atq; suis frustra campus odore patet.

*Pulchri-*



*Pulchrius Alcinoi candor luceſcit in horto,  
 Quando LEW KOWICZ! candida verba facis.  
 Tecum congeniti ſunt digna laudis honores,  
 Et lingua ſermo gratus ubiq; nitet.  
 Præcedit pariter comitiq; modestia vultus,  
 Ad Stoam tendis promptius ingenium.  
 Haec quare pulchras animi, tria LILIA, dotes,  
 Condecorent, hilares inde ferantq; dies.*

## VI. V. D. STANISLAO GRELECKI,

*Eusebes gemma,  
 culus templo sedem  
 Cernus in*



*Tyri, olim in Her-  
 adornans, in qua  
 aqua natans.*

CUM

LEMMAE:

Hac requie

ſcientia claret.

[Ngenij dotes mergantur flumine frontis,  
 Ad quod GRELECKI mens Tua deproperat.  
 In placidis CERVUS peragrando cernitur undis,  
 Lentaq; dimotis brachia iactat aquis.  
 Sic Tuus emergens animus summiq; labores,  
 Continuum laudis promeruere decus.  
 Dulce putas Stoæ fluctus tranare profundos,  
 Cunctari Scyllas difficileſq; Sophum.  
 Vnda ergo ingenij decoret Te limpida ſemper,  
 Caſtalij celebrent Te quoq; fontis aqua.

## VII. V. D. GASPARO PACHOWSKI,

*Fons ſolis, vulgò  
 ad ſpeciem ſideris,  
 ſpargens radios, in  
 ſculpta.*



*gemma Solis dicta,  
 in orbem fulgentis  
 qua tres ROSÆ*

CVM

INSCRIPTIONE:

Virtus his

ſola probatur.

Non rubuit vultus dum praelia docta gerebas,  
 ac ubi Palladio carmine promptus eras.

Felix



*Felix PACHOWSKI, virtus Tua vernat honore:  
 Scilicet innatus quem decet iste color.  
 Oris honos placidi, rigidi argumenta laboris,  
 Ac promptum ingentium, sunt Tibi terna ROSA.  
 His cresces altum, refovesq; insignia laudis,  
 Florebis demum floribus his roseis.  
 Ergo palmaris doctrina dignus honore,  
 Fac Tecum vigeant Laurea fecta Rosis.*

# VIII. V. D. JOANNI CYRUS Crac.

*Glossopetra gemma  
 dens cui Gentilitia*

*rescente Lunâ calo deci-  
 agitta insculpta.*

CUM

LEMMA TE.

Sub hoc Signo

triumpha.

**I**am tibi non galeam, nec acutæ cuspidis hastam,  
 Porrigit in campo Martius Umbo suo.  
 Pulchrius in Patria velox tellure relucet,  
 Quàm Geticis bellis, fixa sagitta Tua.  
 Hac Tibi Gentiles renouat pro munere fastis;  
 Hâc Patrius, meritis fulget honoris apex:  
 Hanc, CYRUS! pietas, virtutis candor & ipse,  
 Commendat pariter suada, & avitus amor.  
 Ergo ad sublimes Laurus Hac auspice perge,  
 Atq; sub hoc signo prospera quaq; geras.

# IX. V. R. D. ANASTASIO SLOMINSKI,

Canon: Regul: SS. Sepulchri Domini Hierosolomitani Conv: Miechov: Professo.

*Hyacinthus gemma  
 in sculptum autum  
 Crux rubea, penes*

*similis amethysto, cui  
 Religionis Stemma,  
 quam Liliū.*

CVM

LEMMA TE:

Religionis

amor.



**R**omuleis Asiam quondam Mars victus ab armis,  
 Victori populo clara trophæa dedit.



*His sociata manent candoris symbola clara,  
 Candida cum rubeo Lilia flore nitent  
 Dona hac STOMINSKI quidni Tibi cusa metallo,  
 Virtuti patria convenientq; Tua.  
 Adstant ingenij doctes, suadaq; disertum  
 Nectar adest; adsunt omnia clara Tibi,  
 Religionis amor, pietas, Studiumq; togatum,  
 Tecum florebunt munere perpetuo.*

## X. V.D. FRANCISCO KROBSKI,

*Iouis gemma candi  
 summis cara, in  
 ma sculptum, Ro  
 STELLÆ,*

*la Heroibus olim  
 ua auitum Stem-  
 a circa quam tres*

CVM

INSCRIPTIONE:

His vernat

in astris.

**M**ENS hac nativæ virtutis vernat in orbe  
 Palladio, Sacræ quam coluere DE Æ.  
 Flos roseus KROBSKI Tuus hic resplendet honore,  
 Ac atquo meritum pignore ad astra locat.  
 Hinc Patruus sanguis, Maternum lumen & illinc,  
 Utroque est virtus clarior ipsa micat.  
 Ingenio præstas, sed Tu, quoq; doctibus altis  
 Dumq; Sophum Studiis ora diserta refers.  
 Ergo dum triplex decorat Te lumen ab astris,  
 In decus æternum Tu niteasq; Rosâ.

## XI. V.D. ALEXANDRO JODLOWSKI,

*C Karbunculus  
 noctibus lucens ra  
 qua a vita  
 transmissa*

*gemma igniti coloris,  
 dissq; refulgens, in  
 Sagitta per median  
 soleam sculpta.*

CVM

LEMMATE:

Sic virtus

probatur.

**V**ictorem si quem Gradiunt prælia norunt,  
 Ante pharetratum iam arma habuere suum.

Es Tibi



*Et Tibi non deerat fervor virtutis in ore,  
 IODTOWSKI quoties, munia docta dares;  
 Nil metuas scopulos vincet Tuus omnia sudor,  
 Indole Monstra cadent sedulitate labor:  
 Te Themidos Sacra spectabunt munera dignum,  
 Et meritū facilis Iustinianus erit.  
 Perge vijs Patruī, Solea vestigia sume,  
 Prospera virtuti quæq̃, sagitta feret.*

## XII. V.D. STEPHANO KROBSKI,

*Luna gemma di  
 quod imaginem Lus  
 cui auitum Stemma  
 ca quam tres*



*Et olim Selenites,  
 na in se contineat,  
 in sculptum, Rosa cir-  
 Stella.*

CVM

INSCRIPTIONE:

Teste

Cælo.

*V*Astis emineat pharetrata Semiramis hortis,  
 Et placidis vernet solus Hymettus agris.  
 Pulchrius innato virtus splendore renidet,  
 Quam laudis meritis, & pietate colis.  
 Virtutis comes suada est & facundia linguæ,  
 His cunctis præstat, promptius ingenium.  
 Teq̃ ipsum toti laudatus Avunculus orbi  
 Commendat, studio & nobile monstrat iter.  
 Doribus his ergo, roseo & dum munere vernas,  
 KROBSKI sideribus sis decus ipse Tuis.

## XIII. V.D. CASIMIRO BALCERKOWSKI,

*Morion gemma in  
 lore Carbunculi,  
 se suis in*



*dica intermixta co-  
 cui insculpta tres Ro-  
 fruticibus.*

CVM

LEMMATE:

Sic par est

sumere laurus.

*S*emper Masarum vernantes collige flores.  
 Alcinoi croceus Te decet iste decor:

D:

Quem



*Quem Tu tinxisti largo sudore laboris,  
 Candidior splendet, quem Tua facta probant,  
 Tullius eloquio suadam, nodosa Sophorum  
 Argumenta refert, datq; fluenta st li:  
 His robur pretiumq; dabit diuina Mathesis,  
 Ingenio ut vireat fama decusq; Tuo.  
 BALCERKOWSKI, ergo dum tanto lumine clares  
 Arment Te dotes, Te decorentq; Rosa.*

#### XIV. V.D. FRANCISCO KOWALSKI,

*Narcissites gemma  
 ferens, cui Stella  
 in sculpta*

CVM

Ad sidera



*Narcissi colorem re-  
 supra alas struthionis*

INSCRIPTIONE:

tendit.

**C**ursum velocem gessisti in limine docto,  
 Robore dum fueras fortior ipse Tuo.  
 Præbueras callem virtutis promptior alis,  
 Pollens KOWALSKI viribus ingenij.  
 Sidera iam tantis cedunt virtutibus ipsa,  
 Quas solers studium magnaq; cura dedit.  
 Testantur dotes expertæ & dogma Sophorum,  
 Quod toties facile solvere promptus eras.  
 Ergo felices lauros hac dote capesse,  
 Ars in sublimi Te statuâtq; gradu.

#### XV. V.D. CASIMIRO PRZYBYŁOWSKI,

*Opalus gemma in  
 Nobiliorum gem-  
 mnes in se uno  
 sculpta auti Stem  
 cruce gladij, binisq;*

CVM

His valet



*India solum nascens,  
 marum colores o-  
 complectens, cui in-  
 matis Sagitta  
 Stellis insignita.*

LEMMATE.

atq; coruscat.

**N**obile virtutis germen non quaris honorem,  
 ipsa sibi virtus summus honoris apex.

Atta-



Attamen innatas dotes celebrare cothurno  
 Praestat, quas genio mens generosa dedit  
 Docte tuo PRZYBYTOWSKI, dum fidere bino  
 Ac Cruce resplendens missa SAGITTA Tua  
 Ingenium velox monstrat, quod fudit Apollo  
 Ipse Tibi arcitenens, os Ciceroq; dedit.  
 Phœbeumq; iubar celsos Tibi spondet honores  
 Inde Tuum virtus nomen in astra feret.

## XVI. V. D. PETRO ZAWADA,

Pyropus gemma  
 referens, cui aui  
 sculpta.

CUM

Hac



flamma colorem  
 ta Anchora in

LEMMATE:

comite.

Fausto navigio situatur prora laborum;  
 Quam Tua Castalijs Anchora duxit aquis.  
 Acribus emensus, tot limpidi flumina, tandem  
 ZAWADA tutum litus honoris habes.  
 Hoc Tua promeruit suada, & peracuta Sophorum  
 Dogmata mens promptè solvere cuncta potens.  
 Cultæ ac ingenij dotes morum Studiumq;  
 Virtutis toties fluctibus hoc petijt.  
 Ergo Maiorum meritis & nomine partam  
 Virtutem, firma laudis honore Tuo.

## XVII. V. D. MICHAELI SZUMOWICZ, Crac.

Quiritis gemma,  
 Quiritibus sacra,  
 niches, cui Stella  
 insculpta.

CUM

Hæ spondent



ideò dicta quia  
 vulgò Sardo-  
 et dua Cruces

INSCRIPTIONE:

trophæa.

Augustum meruere diem; quos sidera celsa  
 In virtute regunt, claraq; facta probant.

E

Nec



*Nec patitur tenebras, cū Cynthia candida luce  
 Pallantis radio, qua vehit axe diem.  
 Fulges SZUMOWICZ merito virtutis honore,  
 Excelsā dotum mente Sophos penetrans,  
 Qui vehemens animo, Latia linguāq; disertus,  
 Rostra Oratorum nectare docta replet.  
 Te crucibus decoras, mediato fidere faustum,  
 Hūc vinces curas, aliaq; dona feres.*

## XVIII. V. D. STANISLAO WOLSKI,

*Rhodites gemma  
 pectora insculpta,  
 gladio trans*

CUM

Procul este



*coloris rosei, cui trina  
 unum in medio  
 fixum.*

LEMMATE:

Profani.

**H**erculeus mucro transfigit pectus eburnum  
 Inter trina unum, vulnera facta refert.  
 Dulci quis dubitat, Patriæ hoc in Sanguine mergi;  
 In quem doctrinæ spicula fixit amor.  
 Sanguineo WOLSKI decuit te ferre labore,  
 Munera, quæ virtus viuida promeruit,  
 Quæve Tibi Pallas spondet, quæ docta Minerva,  
 Et meritis iustis præmia larga feret.  
 Suscipias igitur condignas fronte coronas,  
 Sub quibus evades cuncta pericla mali.

## XIX. V. D. FRANCISCO MATERSKI,

*Sapphirus gemma  
 pud priscos habi  
 equestris stipata*

CVM

Candor



*summo pretio a-  
 ta, cui Crux  
 lilijs insculpta,*

INSCRIPTIONE:

utrinq;

**S**edibus æthereis splendet Crux lumine claro,  
 Quam decorat pulcher candor odorq; Tuns.



*Hoc insigne decus docta Tibi mentis honorem  
 Connotat, ac animi munera digna refert.  
 Lilia Palladio clarent candore per orbem,  
 Et sunt doctrina Symbola clara tua.  
 Qua Tu MATERSKI facundis condecorasti  
 Verbis, purpureas dum loquebâre rosas.  
 Exstiteras promptus studijs, quem lingua diserta  
 Fecerat, ac doctus cum probitate manes.*

## XX. V. D. MICHAELI BELLINA,

*Topazius gemma  
 inter tres Soleas  
 sculpta.*



*viridis coloris, cui  
 obuersas Crux in-*

CVM

LEMMATE:

Inter ardua

lucet.

**P**Erplexum trivisti iter ad virtutis honorem,  
 Ut facili gressu præmia summa petas.  
 Trinis armata soleis Crucis alma locasti  
 Culmina, quæ virtus clarior ipsa tenet.  
 Doctrina tempus longo sudore paratum,  
 Ingenij claro lumine condecoras.  
 Tu recreas animos linguæ BELLINA fluente,  
 Pectora facundus nectare Castalidum  
 Permulces; doctis in rostris dogmata solvis,  
 Mens Tua tot meritis clarior vnde nitet.

## XXI. V. D. JACOBO SIERZYCKI,

*Vegentana gemma  
 obus gladiis trans  
 prodeunt*



*Italica cui cor du-  
 fixum, ex quo lilia  
 insculptum.*

CVM

INSCRIPTIONE:

Perpetuus sine

vulnere candor.

**C**Andescunt transfixa nouo duo signa cruore,  
 Et pro vulneribus lilia pulchra scatent.

Ez

Has



*Hæc Tua SIERZYCKI generosa insignia mentis  
 Quæ meruit studium munera, robur habet.  
 Non rubuit vultus dignos sufferre labores,  
 Nec solers animi cædita cura tulit.  
 Omnia gessisti felix in culmine celsæ  
 Parnassæ Sacri, carmina docta ferens.  
 Te viridi lauro facundus Apollo coronat,  
 Candida perpetuò lilia Te decorant.*

XXII. V. D. JOANNI KUBESZOWSKI,

*Smaragdus gem-  
 lucida, cui Aquæ  
 rostro portans*

CUM

Felix



*ma viridis & transf-  
 la in duplici monte,  
 Lauream, insculpta.*

LEMMATE:

nuntius.

**H**esperijs dudum summæ fastigia laudis  
 Montibus elucet, est & honoris apex.  
 Virtute ac meritis KVBESZOWSKI hæc culmina scandis,  
 Summum virtutis quò Tibi monstrat iter.  
 Lauro Te dignum frondenti nuntiat Ales,  
 Quam binis sistens montibus ore gerit.  
 Ingenium præstans, quali mens docta probatur,  
 Suadaq; facundo diffuit ore Tuo.  
 Perge bonis avibus, mens hæc Tibi proderit olim  
 Mille Tibi census, commoda mille feret.

XXIII. V. D. STANISLAO WARISKI,

*Iaspis gemma  
 nere cui Liber  
 as palmas, in*

CUM

Ab his



*ex viridantium ge-  
 renolutus inter du-  
 sculps.*

INSCRIPTIONE:

decor.

**I**ngens librorum spectaris cultor, & artis.  
 Ingenua, Nomen docte perenne ferens.

WART-



WARTSKI; pulchro laudis celebrande corburno,  
 Quem meruit prestans usus in orbe Tuo.  
 Te suavis sermo commendat, & utraq; fandi  
 Lingua valens calamo, mentem animumq; Tuum  
 Calo Te dignum censeat diuina Matheſis.  
 Qua calo meritis omnia digna geris.  
 Quare dum summi scrutaris sidera et m̃pi,  
 Te redimant lauro, Te decorentq; roſis.

## XXIV. V.D. VALERIANO WECHALSKI,

Zanthenes Medis  
 suauitatis odorem  
 bilitatis Inſigne So  
 ce & alia in extre  
 dua aurea,

CVM

Felix munimi



gemma magna  
 referens, cui No-  
 lea. in cuius verti-  
 mitatibus Cruces  
 inſculptum

LEMMATE:

ne tanto.

EX armis laudare virum non munere fungor  
 Hoc; quem Pieridum carmina docta canunt.  
 Victorem dicam Paridis qui praelia gessit  
 Quondam prudentis, Palladis in ſabulis.  
 Hæc Tu WECHALSKI toties laudatus arenâ  
 Prodibas Heros fortior Herculeo  
 Robore, cû virtus animi menti; favebat,  
 Et linguæ bonitas ingeniumq; potens.  
 Ergo Crucis felix hoc ſub munimine perge,  
 Quo Tua Te virtus, quo bona facta vocant.

## II. V.D. ALBERTO TOMASZEWSKI, AUTHORI OPERIS.

Achatem Pyrrhi  
 gemmam, in qua  
 Apollo Citharam  
 tur, natura ita di-  
 culis, ut Muſis  
 ſignia ſua redde-  
 tum inſigne

CVM

Ad

In argumentum mutui affectûs & gratulatorij applauſûs offert.

STEPHANUS KROBSKI,

Nobilior Vates noſtri celebrator honoris,  
 Quem dedit in laudes ingenuſ amor.

¶



Epirotarum Regis  
 nouem Muſa, &  
 tenens ſpectaban-  
 ſcurrentibus ma-  
 quoq; ſingulis in-  
 rentur, cui aui-  
 inſculptum.

INSCRIPTIONE:  
 Parnafſum.

Quis



Quis Tibi par studio, simili candore laborem  
 Persoluet gratus, magne Poëta Tuum?  
 Te celebret Musarum ergo numerosa propago,  
 Alcaum, festo carmine pro meritis:  
 Et quem per multos illustrior aula fouebat  
 Annos, Mag' atum gratia diligerat.  
 Gallica quëis placuit lingua, & Tua norma loquendi  
 His diuisa fuit, nunc cumulata placet.  
 Ipse Tuas ergo dotes extollat Apollo,  
 Et referat meritis Laurea fersa Tuis.

## ECHO

EIDEM AUTHORI OPERIS,

è voto mutui affectûs,

intra præcordiorum peripheriam,

Omnium, in Artibus & Philosophia, NEO-DOCTORUM,  
 plaudenti Iambo

RESONANS.

Quid UNICORNIS afferat TOMASZEVI? - *Æui*  
 Ævi perenne Nomen; in coronidem, - *idem*  
 Idem Corona Nostra laude prædicat. - *Dicat*  
 Dicat Tibi favoris Echo tesseram, - *Seram*  
 Seram per auram, cuius Camænarum Chori - *Ori*  
 Ori meloden inferunt, & Palladis - *Adis*  
 Adis cacumen arduum. LESCINIO - *Io*  
 Io canens, celebras nostras LAUREAS - *Eas*  
 Eas adornans gemmis; lege muneris, - *Eris*  
 Eris per ævum Achates, hoc votum lego - *Ego*

CASIMIRUS PRZYBYŁOWSKI.

Eidem Authori Operis,

MICHAEL GABRIEL BELLINA,

EIUSDEM LAURÆ LICENTIATUS,

pro Coronide *Αντιπελαγον* affectûs præstat.

Cornigeri monstrant gemini quos Stemmata gestas,  
 Fates, quàm multum mente beatus ades.

Nam Te & Amalthea manifestant vincere cornu,  
 Cùm satis Adonys luxuries opibus.

Quas ornant gaza solida virtutis, in aulis  
 Usus, Celtibero festus & ore lepos.

His præstans, segnem non sumes crede triumphum,  
 Cornigeri passus en utriusq; notant.

Porro pro nostris, innixum, laudibus, alis

Te vehat ad summos inclyta fama Polos,

Permissu Magnifici Domini  
 RECTORIS.





Biblioteka Jagiellońska



sidr0014900



